

欽定大清會典事例

欽定大清會典事例卷六百三十三

兵部

綠營處分例 捕盜一

捕盜○順治初年定武職各官諱盜不報者革職○又題准營汛官弁能獲大盜窩家者紀錄二次獲小盜窩家督撫提鎮酌量給賞如不實力查訪別經獲盜供出窩家將該管專汛官罰俸一年○十八年題准山海大盜千百成羣攻陷城池官弁臨陣敗遁該督撫提鎮題參照律治罪○又題准鎮店路途被盜劫失餉鞘將護

送營汛官弁革職。○康熙四年題准盜案疏防。將經制專汛官題參不得以外委官題參塞責。○五年議准營汛官弁遇有盜案係殺人劫物者務訊問明白。一面追捕。一面申報該管之上司。以便通行緝拏。若不申報或借名擒勦殺害良民者該官弁革職提問該提鎮於此等劣員不申報總督及總督不即題參總兵降一級留任提督罰俸一年。總督交吏部議處如無總督省分聽提督題參無提督省分聽總兵題參。○又議准盜案失事限年緝拏各官若將未獲盜

犯捏報死故者革職。兼轄官不詳查轉報者。罰俸一年。督撫提鎮不詳查具題者。罰俸六月。○七年議准。城內被盜劫掠殺傷官民。並搶奪倉庫獄囚者。專汎官住俸限一年緝拏。全獲開復。限滿一名不獲。降一級調用。獲未全者。降一級留任。再限一年緝拏。全獲開復。如仍未全獲。但能獲過半者。再降一級留任。未獲盜犯。照案緝拏。全獲開復。如二年限滿。獲盜尚不及半。降二級調用。若能於一月內獲盜一半者。停升。未獲盜犯。限一年緝拏。全獲免議。限滿仍不全獲。降

一級留任。未獲盜犯。照案緝拏。全獲開復。同城兼轄官。皆照此例議處。其同城副參等官。作統轄題參者。照兼轄官例議處。不同城兼轄統轄官。初參罰俸六月。限一年緝拏。限內獲一半者。免議。未獲盜犯。照案緝拏。若限滿不獲。罰俸一年。仍令照案緝拏。同城提鎮。罰俸六月。限一年督緝。限滿不獲。罰俸一年。○十年題准。總督題參盜案。本省限四月。兼管省分限六月。巡撫提鎮題參盜案。限四月。均以失事之日為始。扣算具題。如有逾限。專責具題之督撫提鎮計月處。

分不分坐屬官。○十一年題准盜賊偽稱名號侵犯城池者。事屬叛逆。專汛兼轄各官皆革職。總兵降二級調用。提督降二級戴罪圖功。若盜賊聚集一二百人。豎旗放礮。焚毀鄉邨。搶劫擄殺者。專汛官革職。兼轄官降二級調用。總兵降二級。提督降一級。皆戴罪圖功。聚集六七十人。焚毀鄉邨。搶劫擄殺者。專汛官革職。兼轄官降二級。總兵降一級。皆戴罪圖功。提督罰俸一年。至盜賊聚集地方。鄰近之提鎮並駐防官及副參遊各官。不親領兵勦滅。止差守備千把總末

弁前往者。各降二級調用。其專汛兼轄統轄各官。聞有盜賊聚集。不遞行申報者。皆革職。督撫提鎮聞報。不遣官兵會剿。以致賊勢蔓延。官兵失利者。皆降三級調用。若有此等盜賊竊發。即能勦撫淨盡者。皆免議。○又議准。地方道路卹莊被盜失事。其設有墩鋪防兵者。專汛官住俸限一年緝拏。兼轄官罰俸六月。限一年督緝。限滿不獲。專汛官降一級留任。再限一年緝拏。兼轄官罰俸一年。盜犯照案緝拏。三限不獲。專汛官仍留任。再限一年緝拏。如再不獲。降一級調

用若係偏僻邨莊曠野道路向未設有墩鋪防  
兵者專汛官停升兼轄官罰俸三月皆限一年  
緝拏限滿不獲專汛官罰俸一年再限一年緝  
拏兼轄官罰俸六月三限不獲專汛官罰俸二  
年再限一年緝拏四限不獲專汛官降一級留  
任盜犯照案緝拏其副參等官作統轄題叅者  
照兼轄官例議處若兼轄統轄官獲盜一半者  
免議專汛官獲盜過半兼獲盜首富家者亦免  
議至失事地方有無墩鋪防兵該督撫提鎮於  
題叅本內聲明以便分別察議○又議准道路



邨莊被盜失事。毋論有無墩鋪防兵。提鎮皆不  
議處。○又議准。奉差及赴任官員被盜失事。無  
護送官兵者。專汎兼轄官照地方被盜失事例  
議處。有護送官兵者。若在該管地方。又係所屬  
官兵護送。將專汎官降二級調用。兼轄官降一  
級留任。統轄官罰俸一年。若被殺擄。無護送官  
兵者。專汎官降二級調用。兼轄官降一級留任。  
統轄官罰俸一年。有護送官兵者。專汎官革職。  
兼轄官降二級調用。統轄官降一級留任。○又  
題准。盜賊行劫。事主於本日或次日據實呈報。

該管官不即接受。或接受不即申報。及接受呈報不即緝拏。或追及盜賊不能擒獲。致令脫逃。或不親身追捕。止差弁兵前往者。皆革職。若事主二三日呈報者。盜賊已經遠遁。止照地方被盜失事例議處。至附近營汛各官。事主呈報不即接受者。革職。如以非本管營汛不即緝拏。或追及盜賊不能擒獲。致令脫逃。或不親身追捕。止差弁兵前往者。降一級調用。其盜賊經過營汛。該管官止追出界外。不能緝拏。及不親率官兵追捕。止差弁兵前往者。降一級留任。該督撫

提鎮於題參疏防本內將各官曾否接受申報  
及曾否親身追捕情由聲明。如含糊隱飾。後經  
查出。將具題之督撫提鎮罰俸一年。○又題准  
盜案疏防。不將經制專汛官職名開報。僅以外  
委開報者。開報官降二級調用。轉報官降一級  
留任。具題官罰俸一年。○又題准。各標協中軍  
官經管錢糧。不作兼轄。若失事係該員營汛地  
方者。仍照例題參疏防。○又題准。盜案失事。因  
公出境之官皆免議。○十五年題准。該管營汛  
內遇有盜案。彼此推諉不報。皆照諱盜例議處。

如已經申報復又推諉者。推諉官降一級調用。  
轉詳官罰俸一年。○三十二年奉

旨。官弁兵丁有擒拏盜賊中傷及傷亡者。皆照陣傷陣  
亡例分別卹賞。○三十五年覆准。盜案處分。有加級  
紀錄者。皆准抵銷。若於現年緝獲之後。捐有加  
級紀錄者。不准抵銷。○三十六年議准。督撫提  
鎮題報盜案。將獲盜月日備載本內。如不開明  
具題者。罰俸一年。○三十七年議准。盜案均於  
限內題參疏防。其有強竊仇盜疑似未明者。限  
內報部存案。俟文職審明。如實係被盜。即將疏

防各官查叅。照例議處。○四十一年議准。近京地方被盜失事。不先報地方官。徑自報部。遷延時日。致盜逃脫者。概不准行。○又議准。京城巡捕營地方。竊賊宅門掘壁偷竊財物。在該管營汛內拏獲。或經別管營汛官兵拏獲者。免議。若經民人拏獲送究者。將該管官罰俸三月。○又議准。京城前三門關廂內被盜失事。將專汛守備兼轄參將遊擊。皆降二級留任。仍罰俸一年。該汛千把總送部各責四十板。馬步兵各責四十板。皆限一年緝拏。不獲。專汛兼轄各官皆降

三級調用。千把總革職。兵丁革糧。送刑部枷四十日。責四十板。盜犯交與接任官限一年緝拏。○又覆准京城前三門關廂內。盜賊白晝搶奪財物傷人致死。該管營汛官弁當時全獲及一月內全獲者免議。一月內獲一半者。專汛官罰俸一年。兼轄官罰俸六月。如一月內無獲。專汛官降二級調用。兼轄官降一級調用。加級紀錄不准抵銷。盜賊交接任官照案緝拏。該汛兵責四十板。直省城內。盜賊白晝搶奪財物傷人致死。該管營汛各官。照城內被盜失事例議處。○

又題准盜賊潛匿居住該管地方不能查拏別經被獲供出從前居住地方將該管專汛官降二級調用兼轄官同城者降一級調用不同城者降一級留任統轄官亦降一級留任○四十年議准守備不作兼轄至水師守備有帶兵輪防哨巡之責盜案疏防同參遊一例議處○四十五年覆准老瓜賊肆行不法營汛官弁差兵在該管地方晝夜更番巡緝如不實力巡緝責二十板知情故縱者照窩藏容隱例治罪能拏獲並出首者照拏獲鄰境盜賊例給賞如營

汛官弁不能稽察。致兵懈於巡緝。降一級調用。若能拏獲別汛老瓜賊。照拏獲鄰境盜賊例議敘。○又議准道路掩埋無主身屍。有被勒戮傷形迹。係老瓜賊謀害。查驗確實。將專汛兼轄統轄官題參疏防。照地方被盜失事設有壞鋪防兵之例議處。僅濫以仇盜未明詳請立案者。照諱盜例議處。○五十一年議准京城前三門關廟內被盜失事。一年內獲盜一半者。專兼各官皆免議。如一年內獲不及半。專兼各官仍照例議處。○五十二年議准官員兵丁有擒拏盜賊



中傷平復能當差者。仍照陣傷例給賞。若中傷殘廢不能復當差者。照八旗兵丁例減半給賞。○雍正元年議准。直隸省四路捕盜同知地方被盜失事。捕盜千把總於失盜之日。即住俸停升。一年限滿不獲。責二十棍。全獲開復。如該汛地方三年並無盜案。或三年內凡有盜案均能全獲者。該督查明具題。將千把總不論俸滿。以應升之官即用。○又議准。廣東將軍督撫提鎮標下官弁有貼防地方者。若附近邨莊河道失事。將貼防官兵併參。照專汛一例議處。○又議

准地方不逞之徒歃血結盟為盜。專汛官不查拏者。革職提問。如平日失察。一遇發覺即能擒者免議。○二年議准失事隱諱不報。或以強為竊。以多為少。賄屬事主通同隱諱者。專汛官革職。兼轄統轄官扶同隱諱者。降三級調用。如止係失察同城者。降二級調用。不同城百里以內者。降一級調用。百里以外者。降一級留任。提鎮知情者。降一級留任。失察者。罰俸一年。均於題叅本內。將知情失察及同城不同城並道里百里內外。逐一聲明。分別議處。如專汛官隱諱。兼

統各官查出申報者免議。○三年議准盜案必有為首之人承緝專汛官務獲盜首。如盜首初限不獲。雖獲盜過半。仍罰俸一年。再限不獲。罰俸二年。三限不獲。降一級留任。如盜首果係病故有確據者。准免議處。若假借別州縣所獲之盜。指為本案盜首。或先報盜首脫逃。後經審出。仍在該地方隱匿。或捏報盜首病故。後於別案發覺者。假借隱匿捏報官。照諱盜例革職。○又議准承緝官能將一案盜犯全獲者。紀錄二次。○又議准營汛官弁能於一月內拏獲鄰境失

事案內盜首者。加一級紀錄一次。拏獲夥盜者。每一名紀錄一次。一月以外拏獲鄰境失事案內盜首者。加一級。拏獲夥盜者。每二名紀錄一次。其兵丁係一月以內拏獲鄰境失事案內盜首者。賞銀二十兩。拏獲夥盜者。每名賞銀十兩。一月以外拏獲鄰境失事案內盜首者。賞銀十兩。拏獲夥盜。每三名賞銀五兩。均令原失事地方各官捐給。若原失事地方官離任。該督撫提鎮捐給。○四年議准。盜案實無富家者。即於招內聲明。若審有富家。承緝專汛官。必獲盜過半。

兼獲盜首富家。始免議處。如限內止獲盜首。並獲盜過半。而富家不獲者。仍照不獲盜首例議處。儻實有富家。因畏避處分。將富家刪除者。照諱盜例革職。○五年議准。餉鞘被盜失事地方。專汛官革職留任。限一年緝拏。全獲開復。如限內獲盜過半。兼獲盜首者。仍留任緝拏。儻逾限一年獲不及半。及雖獲半。而盜首未獲者。革任。未獲盜犯。交與接任官緝拏。同城兼轄官住俸。限一年緝拏。全獲開復。限內不獲。降一級調用。不同城兼轄官。初叅罰俸六月。限一年緝拏。統

轄官不論同城不同城皆照不同城兼轄官例  
議處提鎮初叅罰俸三月限一年督緝限滿不  
獲罰俸六月盜犯照案緝拏若一經失事當即  
獲盜過半兼獲盜首者專汎兼轄統轄官皆免  
議或經營汎及州縣各官當即獲盜過半兼獲  
盜首者專汎兼轄統轄官亦皆免議未獲盜犯  
照案緝拏○又議准解官押運餉鞘潛行小路  
不由大道並不執票赴營汎挂號撥兵護送者  
遇有失事該營汎官止照地方被盜失事例議  
處○又議准衛所官有經理民事者其旗丁屯

軍居住州縣地方有犯命盜等案。該管州縣移會衛所。嚴行緝拏。限滿不獲。將衛所官同州縣一併題叅議處。如衛所官因州縣既有責成。徇庇旗丁屯軍。或故意推諉者。許承審官揭報督撫題叅。照徇庇例議處。其不經理民事。專管漕運者。旗丁屯軍犯命盜等案。疏防承緝。止將州縣官叅處。衛所官免其併叅。○六年議准。京城巡捕營有奉

旨緝拏要犯。並關繫重大盜賊等犯。脫逃。經管應捕之官。城外者責成專汛官。住俸限一年緝拏。一

月內拏獲者免議。一年限滿不獲降一級調用。人犯交接任官緝拏。若非經管應捕之官。能於一月內拏獲者。一名紀錄二次。一月以外拏獲者。一名紀錄一次。○又議准。地方被盜失事。外委千把總。停其拔補。限一年緝拏。限滿不獲。責二十棍。再限一年緝拏。三限不獲。革去頂戴。仍限一年緝拏。四限不獲。革去外委。盜犯交與接任官照案緝拏。若能限內拏獲過半。兼獲首窩者。免議。獲盜過半。首窩未獲者。仍照例按限叅處。○又議准。餉鞘到境。如解官欲就小路行走。



不遵營汛官弁勸阻。該營汛官弁即詳報督撫提鎮題叅。如希免護送。聽其行走小路。將該營汛官弁罰俸一年。其解官執票赴營汛挂號。該營汛官弁不照定數撥兵。及所撥之兵中途私回者。解官徑報該督撫題叅。將該營汛專管官弁罰俸一年。○七年議准。衙署被竊。該員據實申報者免議。其承緝承審之文職。仍照竊賊例處分。若諱匿不報。將該員降一級留任。限一年緝拿。獲賊開復。一年限滿不獲。降一級調用。○八年議准。城內及地方被盜失事。該提鎮照定

限查取疏防職名。開報總督題叅。無提督省分。該鎮開報提督題叅。無提督省分。該管兼轄統轄官開報該鎮題叅。如逾限不開報者。罰俸六月。○又議准前官諱盜之案。接任官於到任三月內查出揭報者免議。如逾限不能查出。別經發覺。將接任官革職留任。接任兼轄官同城者降一級留任。不同城者罰俸一年。到任未及三月者免議。接署官亦照此例議處。○又議准前官去任未獲盜犯。交與接緝官限一年緝拏。限滿不獲。罰俸一年。盜犯照案緝拏。限內但能獲

盜雖不及半。亦免議處。獲過半者紀錄二次。全獲者紀錄三次。若盜止二三名。接緝官於一年限內拏獲一半。兼獲盜首及獲盜過半者。免其議處。仍紀錄二次。其僅獲一半盜首未獲者。止免議處。毋庸議敘。○又議准盜賊遠颺他省。潛匿居住。已有實據。經失事地方官關移查緝。該管專汛官不實力協拏。致令輾轉富藏鄰境者。降二級調用。○九年議准衙署被盜失事。專汛兼轄統轄官。皆照城內被盜失事例議處。○又議准衙署被盜失事。據實申報者。該督撫提鎮

依限題叅疏防。照例議處。諱盜不報者革職。仍留原任地方。勒令出資懸賞。與接任官協同緝拏。俟獲盜過半。准其回籍。○十年議准盜案疏防。均照該督撫提鎮題本議結。有應開復者即准開復。應議處者即行議處。皆知照刑部存案。如題審覆覈之時。有諱報捏報等弊。將專汎兼轄統轄官。各照本例議處。○十一年議准拏獲盜犯供出先次行劫之處。審明即為行查。若事主已經呈報。將專汎各官照諱盜例議處。事主未經呈報。或失事未有實據者。該督撫提鎮取

具專汎兼轄統轄各官並無諱盜印結報部。毋庸查駁。即照疏防例議處。○又議准諱盜之案。若盜全獲者。各官皆免議。○十二年議准。竊賊一夥至十人以上。雖不行強。營汎官弁不能查拏。照強盜例。以疏防查叅。○又議准。盜竊田野穀麥果菜及器物無人看守者。專兼各官皆免查叅。○十三年議准。盜首未獲。除現在勒緝限內。例應扣限查叅者。仍逐案查叅外。至勒緝年限已滿。照案緝拏後。該督撫提鎮於年終彙題。將承緝接緝督緝各官。一年內已獲幾名。未獲

幾名。詳晰聲明。二三名不獲者。罰俸六月。四五  
名不獲者。罰俸九月。六七名以上不獲者。罰俸  
一年。○又議准。凡遇十人以上竊案。以獲犯訊  
供之日起限。將疏防各官查叅。○又議准。因公  
出境各官。遇有盜案疏防及失察等事。該督撫  
提鎮將該員於何月日因何事公出之處。聲明  
報部。如並未因公出境。捏報規避處分者。革職。  
徇情轉報。官降二級調用。其升遷降調及有事  
故離任之人。原任內遇有疏防失察等事。果係  
因公出境。接任官查明。具詳督撫提鎮報部。儻

不具詳。誤將職名開送者。罰俸一年。轉報官罰俸六月。○乾隆三年議准。弁兵拏獲鄰境竊犯。該管官查其所獲多寡。酌量記功鼓勵。○四年議准。京城巡捕營地方竊案。止將專汛官議處。兼轄官免其叅劾。○又議准。盜入城內。搶奪倉庫獄囚者。不同城之提鎮。罰俸六月。○又議准。承緝接緝官。能於照案緝拏之後。年終彙題之先。獲盜三名以上者。紀錄一次。六七名以上者。紀錄二次。督緝各官。總計所屬之地方盜案。一年內獲盜不及一半者。罰俸六月。過半者。紀錄

一次。若承緝接緝督緝官。一年內拏獲之數。與不獲之數相當。功過相抵。毋庸議處。議敘。至彙題一次之後。即免重複參處。盜犯照案緝拏。○又議准。官員該管營汛內。有竊賊臨時拒捕傷人者。若賊無獲。及雖獲賊。而為首及下手之人未獲者。將專汛兼轄各官。題參疏防。勒限緝拏。照盜案失事例。分別議處。其已獲為首及下手之人者。免參疏防。未獲賊犯。照案緝拏。如於限內將案內賊犯全獲者。紀錄二次。○又題准。道路邨莊。盜賊白晝搶奪財物。傷人致死。若犯未



獲及雖獲犯而為首及下手之人未獲者該管專汛各官照地方被盜失事例議處已獲為首及下手之人雖夥黨未全獲者免叅疏防。○六年奏准

京師五城巡捕營地方盜案於報官之日為始。扣限三月緝拏。若逾限無獲都察院會同步軍統領題叅。○又奏准城內被盜失事。外委千把總初叅停其拔補。限一年緝拏。限滿一名不獲革退外委。獲未全者革去頂戴。再限一年緝拏。全獲開復。獲過半者仍留外委。未獲盜犯照案緝

拏全獲開復。如二年限滿。獲盜尚不及半。革退外委。未獲盜犯。交與接任官照案緝拏。○又奏准。被盜失事地方。原未設有經制專汛官。止令外委巡防者。督撫提鎮於本內聲明。止將外委題叅疏防。○又奏准。兼轄官統計一年之內。所屬各員。有拏獲鄰境盜犯。議敘至加一級或紀錄四次者。由督撫提鎮查明咨部。將兼轄官紀錄一次。再有多者。照此遞加。○又奏准。被盜失事官員。因公出境。經該管上司委官署理營務者。遇有盜案。該督撫提鎮於本內聲明。免其

承緝處分。回任之後。照接緝官例察議。盜犯照案緝拏。若係暫行差委。未經委官署理營務者。仍照承緝官例察議。○又奏准。署印官係題署咨署者。照承緝官例察議。若暫行委署者。照離任官例。罰俸一年。該督撫提鎮於題叅本內聲明。分別察議。○又議准。地方有仇盜未明之案。該管專汛官協同文職緝拏。以呈報之日為始。限三月內訪查明白。若不能查出仇盜實情者。罰俸三月。仍限一年緝拏。限滿不獲。照文職緝拏不力例議處。○八年題准。京城巡捕營地方。

緝案以失事之日起限四月緝拏限內全獲及獲賊過半者免議限內無獲及獲不及半者將專汛官住俸限一年緝拏俟全獲或獲過半皆准開復若逾限不獲將專汛官罰俸一年賊犯照案緝拏○十五年議准地方有關涉叛逆之犯向例承緝督緝各官均限以三年緝拏今減去一年將承緝之專汛官革職戴罪限二年緝拏不獲降二級調用犯人照案緝拏督緝之兼轄官降二級戴罪限二年緝拏不獲降一級調用統轄總兵官罰俸一年其接緝協緝各官以

案發之日計算。如未滿二年。停其升轉緝拏。俟滿二年。將各官罰俸一年。犯人照案緝拏。以上各官。若遇有

恩赦。免其處分。承緝者。仍停升轉。照例勒限緝拏。以案發之日算起。計滿三年開復。接緝協緝者。未停升轉。犯人照案緝拏。○十六年議准。嗣後武職及衛所各官承緝盜案。除奉

特旨升調。與迴避別補。及別案革職降調。丁憂治喪等事。離任者。仍照離任官例處分。至告請病假。並終養者。如初參未獲。例應住俸。處分既輕。為

期尚遠。亦照離任官例議處外。其二叅三叅例。應降一級留任者。遇有病假終養離任。即議以補官。日降一級留任。三年開復。四叅例。應降一級調用者。遇有病假終養離任。即議以補官。日降一級調用。該督撫提鎮將各該員因何事離任之處。於題咨內隨案聲明。以憑覈議。○十七年議准。鄰境官弁。有能拏獲發冢見屍為首先犯。每名紀錄一次。拏獲四名以上者。加一級。○二十三年

諭。嗣後承緝官。雖經四叅。本身不致離任者。仍應入於

彙題。按年照例議處。以專責成。其接任代緝人員。既彙題一次之後。即免其續叅。○二十四年奏准。盜案疏防限內接緝無獲之案。照命案先犯脫逃承緝官初叅已經限滿。接緝官始行到任者。仍照例處分。外。如承緝之員未滿初叅之限。遇有升調。事故離任者。接緝官一年限滿無獲。罰俸一年。再限一年緝拏。限滿不獲。仍再罰俸一年。逃犯照案緝拏。○二十五年議准。兇惡盜首接緝官本身未經離任。於照案緝拏後。仍入彙題。按年覈叅。如一二名不獲。罰俸六月。三四名不獲。

罰俸九月。五六名以上不獲。罰俸一年。○又奏  
准武職衙署被竊。除有關倉庫錢糧者。仍照疏  
防之例題參外。其止行竊署中物件。賊非滿貫  
者。承緝官扣限六月查參。限滿不獲。罰俸一年。  
賊犯照案緝拏。其賊已滿貫。承緝官初參。罰俸  
一年。再限一年緝拏。限滿不獲。罰俸二年。賊犯  
照案緝拏。其管轄兵丁之武職專管官衙署被  
竊。無論賊數已未滿貫。均照防範不嚴例。再罰  
俸一年。若不行申報。別經發覺者。將不行申報  
之弁降一級留任。竊犯限一年緝拏。限內全獲。



准其開復。限滿不獲。降一級調用。其無兵民責任之弁。衙署被竊不報者。照諱竊不報例罰俸六月。已報者免議。○二十六年奏准。各省盜竊案件。務令兼轄員弁。督率兵丁。協同捕役。於所屬境內實力查拏。該管大員不時稽察。其獲賊衆多。或小竊而破大案者。該省督撫查明分別獎賞。儻有藉端擾累。以及誣拏平民者。兵丁按律治罪。營員照例叅處。○又議准。鄰境他省拏獲首盜者。仍照例分別一月內及一月後。准予加級紀錄外。其拏獲鄰境夥盜之文武各官。無

論一月內外均照拏獲鄰省軍流逃犯例。每一  
名准其紀錄一次。○二十七年議准。嗣後如有  
實係釁起一時。並非豫謀聚衆者。將失察之地  
方官免其議處。持械肆橫。豫先糾衆。該地方官  
實係失於覺察。不行查拏者。降一級留任。如能  
將到場首從各犯嚴拏全獲懲治。免其處分。如  
案犯未能全獲。仍應照例議處。若地方官有心  
故縱。一經查出。仍照知情故縱例革職。如於獲  
犯到案時。不嚴行懲治。代犯開脫。即照故出人  
罪例從重議處。○二十八年

諭。地方文武均有緝匪之責。乃州縣捕役中之狡猾者。平時以秦賊為故智。或經弁兵首先躡獲。既不利於己。而有司等亦以非獲自捕役。未免心存畛域。輒於送審之時。任其狡展。巧為開脫。外省積習相沿。亦非一日。若遇有翻供之案。令州縣官移詢原獲弁兵。據實確訊。詭計自無可施。而營伍緝捕責成更專。於民生殊有裨益。○二十九年

諭。嗣後有能盤獲劫掠大案者。准督撫專摺具奏。送部引見請旨。其查出尋常逃人賊匪。自一案至數案者。令各省於年終詳具事實等差。彙摺奏明。交部分別

議敘。又議准。各省拏獲盜案重犯。在本省犯案。供  
出外省曾犯行劫者。研訊明確。毋庸解往質審。  
即鄰省地方官自行盤獲別省盜犯及協同失  
事地方差役緝捕拏獲者。均令在拏獲地方。嚴  
行監禁。備證。或失事地方有夥盜待質。必須移  
解者。令拏獲省分即行解送。遞派文武官各一  
員。帶領解役兵丁。親身管解押送。仍豫先知會  
前途經由地方。一體遞派員弁。挑撥兵役接遞。  
管解。過夜寄監收禁。其道遠州縣不及收監者。  
即令該地方官豫期選撥幹役。前赴住宿處所。

傳齊地保。知會營汛。隨同押解官弁鎖錮防範。儻有不小心管解。致犯脫逃。即將各役嚴審。有無賄縱情弊。照例從重治罪。官員交部嚴加議處。又議准。武職員弁。令提督總兵一體督率。就近查考。除拏獲小賊隨時酌賞外。如緝拏多賊及搶劫重案。並舉發捕役。奏縱暨拏獲積窩者。守兵拔補馬戰兵。馬戰兵拔補外委。外委拔補把總。把總拔補千總。至千總以上各員。如果實力緝捕。屢破積窩。拏獲重大案犯。該督撫提鎮保題請。

旨。可否送部引

見之處恭候

欽定。如該管營員不行盡心稽查。該督撫提鎮查出。即行題參。將專汛官降二級調用。兼轄官降二級留任。○又奏准。凡外省一人行劫及一人行竊臨時行強之案。毋庸題參疏防。於一年限內。拏獲者。專管營員亦不得濫邀議敘。如限滿不獲。仍照例參處。至京城城內遇有此等案件。毋庸題參疏防。扣限四月咨參議處。其二參三參四參之限。仍分別有無堆撥墩鋪。照盜案例辦。

理。又奏准。城內被盜。如係入民舍強劫者。專  
汎官住俸。限一年緝拏。全獲開復。限滿不獲。降  
一級調用。同城兼轄官住俸。限一年督緝。全獲  
開復。限滿不獲。降二級留任。賊犯照案緝拏。同  
城統轄官。初叅罰俸一年。限一年催緝。限滿不  
獲。降一級留任。賊犯照案緝拏。同城提鎮。初叅  
罰俸六月。限一年催緝。限滿不獲。罰俸一年。不  
同城兼轄統轄官。罰俸六月。限一年催緝。限滿  
不獲。罰俸一年。賊犯照案緝拏。不同城提鎮。罰  
俸三月。限一年催緝。限滿不獲。罰俸六月。其失

事後一月內拏獲一半。兼獲盜首窩家者。初叅免其處分。專汛官仍停升。餘賊限一年緝拏。兼轄統轄官。限一年催緝。全獲者免議。如所限一年內不能全獲。專汛官罰俸一年。兼轄官罰俸六月。統轄官罰俸三月。賊犯照案緝拏。○又奏准。官署衛所倉庫被劫及搶奪獄犯。將專管武職革職留任。勒限一年緝拏。同城兼轄官降三級留任。統轄官降一級留任。均限一年催緝。全獲開復。限滿不獲。專管官革任。同城兼統各官。照所降之級調用。賊犯交與接任官照案緝拏。



同城提鎮初叅罰俸一年。限一年催緝。限滿不獲。降一級留任。不同城兼轄官初叅降一級留任。限一年緝拏。限滿不獲。降一級調用。賊犯交與接任官照案緝拏。統轄官初叅罰俸一年。限一年緝拏。限滿不獲。降一級留任。提鎮初叅罰俸六月。限一年催緝。限滿不獲。罰俸一年。如能於限內拏獲一半。及獲盜首富家。其降革留任各員。均准其再留任一年緝拏。如仍不獲。革職留任者。即行革任。降級留任者。照所降之級調用。其被劫之本署官。照專管官例議處。○又定。

各省地方遇有發冢開棺見屍之兇犯在逃武職初叅勒限六月緝拏。限滿不獲將專汛承緝官停升。再限一年緝拏。限滿不獲罰俸六月。再限一年緝拏。限滿不獲罰俸一年。再限一年緝拏。如仍未拏獲。罰俸二年。兇犯照案緝拏。儻有隱匿不報。及見屍捏作見棺。即照知情隱匿例革職。兇犯交與接管官勒限緝拏。○又奏准地方遇有發冢止見棺槨之案。照例扣限六月查叅。將武職專管官罰俸六月。人犯照案緝拏。如將創它見棺之案。匿不詳報者。罰俸九月。兇犯

仍扣限緝拏。○又奏准。大盜糾夥多人。在京城

關廂內三營

營今五

地方。將人殺傷。劫去財物。專

管官革職。兼轄官降二級留任。統轄官降一級

留任。加級紀錄俱不准抵銷。兵丁革退。交刑部

治罪。盜犯交接任官勒限嚴緝。限滿不獲。照京

城盜案例參處。○又奏准。地方武職拏獲鄰境

小盜窩主者。紀錄一次。○又奏准。地方強劫案

件。署事官照承緝官例議處。限內卸事。照離任

官例罰俸一年。○又奏准。丟包賊犯。地方員弁

嚴行緝拏。儻賊至滿貫。及拒捕傷人者。照盜案

四叅例扣限查叅。分別議處。○又奏准附近京城地方墳塋樹木。如有偷砍盜賣者。將失於查察之地方官。罰俸一年。○又奏准夥盜脫逃。至勒緝年限已滿。照案緝拏後。除罪止軍流者。仍令照案緝拏外。其罪應斬絞者。俱以結案題咨部覆。到日為始。再限一年緝拏。該督撫於每歲十一月底彙冊覈叅。將武職承緝職名。及一年內已獲幾名。未獲幾名。聲明。一二名不獲者。將承緝官罰俸六月。三四名不獲。罰俸九月。五、六名以上不獲。罰俸一年。再限一年緝拏。限滿不

獲仍照此例。參處賊犯。照案緝拏。提督統計一  
年內通省所屬。獲不及十之一二。總兵統計所  
屬。獲不及十之三四者。均罰俸一年。兼轄統轄  
官統計所屬。獲不及十之三四者。罰俸六月。仍  
令該督撫於十一月底。將某營疏防。新舊失盜  
之案。已獲幾案。未獲幾案。逐一開單。咨報軍機  
處彙奏。交部查覈。儻該處強劫頻聞。並未獲盜  
者。即據實指參議處。至承緝竊匪。按其功過多  
寡。亦於十一月底。咨報軍機處彙奏。交部查覈。  
○又奏准緝拏慘殺事主。放火燒人。房屋姦人。

妻女劫掠倉庫。干繫城池衙署。並積至百人以上之兇惡盜首。接緝官本身未經離任。照案緝拏。後該督撫按年彙叅。並聲明一年內已獲幾名。未獲幾名。如一二名不獲者。罰俸六月。三四名不獲者。罰俸九月。五、六名以上不獲者。罰俸一年。仍按年彙題議處。其尋常盜首二、三名不獲者。罰俸六月。四、五名不獲者。罰俸九月。六、七名以上不獲者。罰俸一年。彙叅一次之後。免其重複叅處。仍令照案緝拏。儻接緝官能於照案緝拏之後。歲底彙題之先。拏獲首盜二、三名以

上者。紀錄一次。六七名以上者。紀錄二次。兼轄  
統轄官。一年統計所屬。拏獲不及十之三四者。  
罰俸六月。總兵統計所屬。獲不及十之三四。提  
督統計所屬。獲不及十之二三者。罰俸一年。  
三十年奏准。各省營汛地方。統計一年內報竊  
之案。能拏獲及半者。毋庸記功。記過。其獲不及  
半者。每八案記過一次。拏獲及半之外。復有多  
獲者。每五案記功一次。凡記過至四次者。罰俸  
六月。記功至四次者。紀錄一次。俱以次遞加。如  
緝獲前官任內竊案。及鄰境賊匪。俱准將記過

之數抵銷其未及一年離任。接任官員按其在任月日。報竊幾案。緝獲幾案。分別辦理。兼轄統轄並總兵統計所屬一年內竊案獲不及十之三四。提督統計通省所屬竊案獲不及十之二三者。均罰俸六月。三十一年奏准。承緝盜案限內。派委出征屯田者。均照離任官例。罰俸一年完結。盜犯交與接任官勒限緝拏。三十四年

諭。地方文武官弁承辦公事。固應協力交濟。功罪均難諉卸。但其中事理各有專屬。則職司亦有區分。自當



酌理準情。俾文武各員處分均得其平。方為允協。即如地方有聚眾抗官。及江洋盜劫私鹽拒捕等案。武弁之責。應重於文員。一經聞信。即當實力追拏。毋任竄逸漏網。其有緝捕不力。及不能先事彈壓防範者。自應將該弁等嚴定處分。而於文員稍為酌減。若民間邪教賭博燒鍋等事。體察查辦。乃有司專責。與汎弁無與。即尋常鼠竊小案。州縣官設有捕役人等。自能隨時加緊緝拏懲治。原可不資營兵之力。遇有疏防處分。當以文員為重。而武弁次之。即此類推。其情形不可枚舉。乃向來舊例。輒以文武俱干吏議。不復

條分縷析。何由使伊等各知勸懲。轉視為具文。謬為抱屈。其無謂也。著交吏兵二部。將各項案情通行較覈。悉心釐定。何者為文員專管。何者為武弁專管。何者為文武並有考成。而同案之中。或應文重武輕。或應武重文輕。一一明切分別定議。著為則例。使犁然不致牽混。以便永遠遵循。又如文員獲犯兼免武弁。武弁獲犯兼免文員一條。亦屬從前相沿陋例。該部其舉一反三。詳查例案。逐一酌定條款具奏。○三十五年議准。凡承緝盜案及各項限緝人犯。其初叅二叅三叅四叅限內。被鄰境別汛拏獲。及非

文武員弁協同拏獲者。如承緝之員限滿應議降職降俸者。以罰俸一年完結。住俸停升者。以罰俸六月完結。罰俸三月者。以一月完結。罰俸六月者。以三月完結。罰俸九月者。以六月完結。罰俸一年者。以九月完結。罰俸二年者。以一年完結。其限滿應降級留任者。以罰俸二年完結。其本係降級留任。限滿再留任一年緝拏者。以罰俸三年完結。其限滿應革職留任者。以降三級留任完結。其限滿無獲。應行降調者。改為照所降之級留任。革職者。改為革職留任。照例分

別扣滿年限開復至該管上司。係所屬員弁代為拏獲。仍照舊例免議。係別屬員弁拏獲。照承緝官酌減例。於各該上司本例酌減議處。令該管大臣。將是否所屬員弁之處。隨案聲明辦理。如發覺之日。即有應得處分。例無給限緝拏之案。仍照本例議結。不准互相援免。○又奏准。巡捕三營。營今五地方。如有被竊案件。令事主報明。該管武職勒限緝拏。若事主呈報。該管官隱諱不報者。步軍統領查叅。將專管都司守備千把外委均降一級留任。限六月緝拏。全獲開復。限

滿不獲降一級調用。兼轄副將參將遊擊徇隱不揭。亦照該營專管官之例處分。如事主不報。該管官實無諱竊情弊。仍照緝竊之例辦理。○又奏准。前三門關廟內失事。專汛守備降三級留任。兼轄參將遊擊俱降二級留任。專汛千把總在兵部各責四十板。該汛馬步兵丁各責四十板。俱限一年緝拏。限內全獲。唯其開復拏獲一半者。專兼各官免其議處。盜犯照案緝拏。如盜首窩家未獲。仍照盜首例查叅。一年內獲賊不及一半者。專汛守備降三級調用。兼轄官降

二級調用。千把總革職。兵丁革退。交刑部治罪。未獲賊犯。交與接任官。限一年緝拏。○又奏准。京城關廂內。遇有白晝賊盜。致死人命。奪去財物。該管武職將賊犯當場全獲。以及一月之內全獲者。免議。如一月之內拏獲一半者。將專汛官降一級留任。兼轄官罰俸九月。賊犯照案緝拏。如一月之內。該管武職不行查拏。致賊免脫者。將專汛官降三級調用。兼轄官降二級調用。所有加級紀錄。俱不准抵銷。賊犯令接管官照案緝拏。該汛馬步兵各責四十板。其直隸各省

城內遇有白晝賊犯致死人命奪去財物之事。該管武職不行查拏者。照強盜入城池行劫之例議處。○又奏准巡捕三營今五武職有捕務克勤所轄地方盜竊稀少。遇有保題之時。許其開明保奏外。其限滿後。上一年照案緝案之犯。該步軍統領分別已獲未獲。於年終彙覈咨部。照司坊官員竊案記功記過之例察議。○三十九年

諭。匪徒滋事不法。原當責成地方官。如平時漫無稽察。迨發覺後。又復遷延怠緩。不即勇往擒拏。釀成事端。

其咎自所應得。若當端倪初露。即能上緊查拏。迅速獲犯結案。尚屬有功無過。儻仍加以議處。既不足以昭勸懲。且恐庸劣員弁。遇有地方姦匪重案。懼干吏議。致啟彌縫匿諱之漸。於除姦轉為無益。嗣後凡匪犯糾衆等案。如事在三月以內。即能查辦擒獲者。毋庸復予失察處分。著為令。○三十九年奏准。巡捕營專汛武職承緝竊案。每年截至十一月底止。彙冊開參。其十二月初一日以後。俱歸入下年彙造。提督衙門於十一月底查明。按數造冊。咨報兵部覈議。如能於二參年限之內。拏獲賊犯者。



每二名紀錄一次。以次遞加。儻一年內參限未滿之案。在五案以上未獲一名者。降一級留任。十五案以上未獲一名。及三十案以上未獲十分之二者。俱降一級調用。○又奏准。地方具報失竊案件。經文職官訊明。如有強劫情節。會同營汛親詣事主之家查驗。果係強劫。據實通報。如實係竊案。亦將事主原報呈詞。備細鈔錄。出具並無抑勒諱飾印甘各結。隨文中送。其呈詞內如有強劫情節。該管武職並未聲明親詣查驗。令該武職上司指駁查驗。如文員會同武職

查驗而該管武職並不親詣確查。及該上司並不指駁查驗。叅送到部。即實係竊案。亦將不親詣之武弁降二級調用。不指駁之上司降一級調用。如該管武職有畏疏防承緝處分。藉端嚇阻。抑勒事主改供。以強報竊。及刪減強劫情形。轉報者革職。若事主以強報竊之案。後經發覺。仍令該管武職據實確查。該總督巡撫提督總兵。取具專管兼轄各官從前。有無諱盜印結報部。其未經確查。蒙混出結者。將捏報官革職。扶同加結之上司。降三級調用。○又奏准。水師中

軍守備有帶兵輪防巡哨之責。凡遇盜案。與參遊一例處分。○又奏准。官員盤獲鄰境劫掠大案。並積年山海巨盜。本任內無未獲逃盜。並雖有未獲逃盜。係接緝再接緝者。准督撫具奏。送部引

見請

旨。仍將該員本任內有無未獲盜犯案件。報部查覈。其拏獲鄰境劫掠大案。並積年山海巨盜。而本任尚有逃盜未獲者。止准照例分別議敘加級紀錄。不准奏請送部引

見○又奏准。官員查出尋常逃人賊匪。該督撫開列案數等次。於年終彙奏。除列為三等各員。毋庸議敘外。將拏獲五名以上者。列為一等。准其紀錄二次。拏獲三名以上者。准其紀錄一次。○又奏准。拏獲鄰境盜犯。例應引

見。該督撫聲請議敘者。由部查覈合例。即題請送部引

見○又奏准。巡捕三營。營今五如有仇盜未明之案。照文職緝兇之例一體扣限查叅。若限內將兇犯緝獲。審係盜案。仍令提督衙門確實聲明。將專

兼各官改照盜案例分別辦理。如審明實係盜案隱匿不報者。照諱盜例辦理。○四十一年

諭。各省捕盜地方官。於緝盜一事。果能實心偵捕。匪犯原可立時就獲。不致遠颺漏網。若能認真辦理。盜風自當盡戢。乃承緝者既不肯上緊購訪。而督撫等又以非奉特旨查拏。不加督促。雖有四叅議處。及年終彙奏之例。亦多視為具文。每致逸盜經久未獲。是以盜不知懼。而犯法者轉多。豈除暴止辟之道。著通諭各督撫。嗣後遇有盜案。嚴飭所屬州縣實力擒拏。全獲毋使稽延竄匿。以副朕綏靖閭閻之至意。○四十

二年議准。直省地方人命案件。除毫無失物者。仍將武職職名報部存案外。儻有疏失情形。無論多寡。即照盜案扣限題參。送部議處。若隱諱不報。雖無失物情事。武職亦照諱盜之例議處。

○四十八年奏准。官員協獲盜犯。無論首從。止准其前後接算。數至二名者紀錄一次。四名者紀錄二次。五名以上者加一級。均不准送部引見。○四十九年奏准。各省一年內所報竊案。武職總兵並兼轄統轄官。統計所屬一年內竊案。獲不及十之三四者。罰俸六月。督撫提督統計通省

所屬竊案。獲不及十之二三者。罰俸三月。○又奏准。各省承緝強劫竊盜。如叅限未滿之案。一年內統計通省所屬。獲不及十之二三者。督撫提督罰俸三月。總兵統計本鎮所屬。獲不及十之三四者。罰俸六月。又承緝接緝盜首未獲之兼統各官。叅限已滿之盜案。總兵一年內統計所屬能獲十之三四者。免其議處。不及十之三四者。罰俸六月。督撫提督統計通省所屬。獲不及十之二三者。罰俸三月。○又奏准。地方命案。如有強奪情形。無論多寡。即照盜案扣限題叅。

若以仇盜未明具報希圖倖免處分者亦照諱盜例辦理。○五十一年

諭各省營員領解兵餉理宜發派都司守備等員赴省關領方為慎重。乃湖南臨武營請領本年夏秋二季餉銀僅派把總赴省關領把總係微末之弁以致中途失去餉桶實屬疏玩嗣後各省營員領餉應如何按照銀數發派大員之處著該部議奏。欽此。遵

旨議定。各營領餉統計每月應領銀數在一萬兩以下者。遴派守備一員。一萬兩以上者。遴派都司一員。赴司請領。營務暫委鄰近營員兼理。其離省



寫遠。或地近苗疆營分。按兩月及一季或兩季請領銀數。於遴委都司之外。加派千總一員。協同領解。其分防營分。計一營應領銀兩為數無多。或都司不便徑離汛地。即遴選強幹千總一員。再加派外委一員。協同照料。至請領銀兩數在一千兩以上至一萬兩者。撥兵一名。民壯二名。一萬兩以上至二萬兩者。撥兵二名。民壯四名。二萬兩以上者。酌量添撥。逐程護送。並令於住宿處所。酌撥兵役。協同巡防。如有疏失。將承領之員革職。原委上司官降二級調用。雖有加

級不准抵銷。該管總兵降一級留任。其沿途接  
護地方員弁及該管將備等官。均照餉鞘被失  
之例分別議處。所失銀兩。著落承領之員分賠  
十分之六。失事地方州縣分賠十分之四。如承  
領之員實係力不能完。即著落簽差不慎之上  
司賠補。○五十四年覆准。營弁拏獲盜犯。立即  
解交該弁所駐之地方衙門嚴行究訊。供出首  
夥姓名。一面通報各上司。即一面迅速移知該  
處營弁設法緝拏。毋許稍有遲延。至地方捕役  
拏獲盜犯。該州縣訊出之夥黨姓名。亦即移會

地方武弁一體協緝。○又覆准。直省營員有承緝盜案未獲。如能拏獲鄰境盜犯二案。准其前後接算抵銷本任之案。其有本任承緝二三案以上未獲者。總以拏獲鄰境二案以次抵銷本任一案。俟抵銷完畢後。再有多獲鄰境一案者。即准其送部引

見。至拏獲鄰境海洋盜犯未能及半。陸路雖能及半。未獲盜首者。仍照例按名議敘。不准抵銷。○五十七年奏准。京城前三門關廂內被盜。限內獲盜及半。而盜首未獲。初參專汛官罰俸一年。兼

轄官罰俸六月。二叅無獲。專汎官罰俸二年。兼轄官罰俸一年。三叅無獲。專汎官降二級留任。兼轄官降一級留任。未獲盜首。仍入於年終彙叅。○又議准。嗣後承督各官。遇有赴部及差派出省。並本省要緊事件。准其隨本聲明。扣除計算。如借名調補調署別缺。以圖規避者。除不准扣除外。仍將濫委之上司一併議處。○又奏准。軍政卓異官員。任內如有盜案例。應降級降調者。仍不准其薦舉外。如例止罰俸。無礙升用。准其一體卓異。○五十九年

諭。向來武職承緝盜案。限滿無獲。例應降調之把總。因其無級可降。例得詢問居官。該督等若查其平日居官尚好者。仍准留任。即文職內未入流一項無級可降者。亦係如此辦理。而各省督撫。往往以平日居官尚屬可用。咨部留任。是此等承緝不力人員。徒有降調之名。無懲戒之實。總由督撫等意存姑息。不能嚴行查覈。率請留任。以致該員弁等無所顧畏。於承緝案件。不肯認真出力。國家愛惜人材。如係因公處分。尚無大過者。原可棄瑕錄用。若此等微末員弁。其才具非必不可少之人。且業有應得處分。亦無足深惜。

嗣後文武各員內職分較小無級可降者遇有承緝降調處分除居官平常者照例斥革外其經該督撫等察其居官尚屬可用者把總即以經制外委補用不准食餉

欽定大清會典事例卷六百三十四

兵部

綠營處分例

捕盜二

嘉慶四年

諭。向來各省交界地方。境壤參錯。遇有緝盜案件。互相推諉。延閣不辦。以致盜賊無所儆懼。遂以交界之區。為逋逃之藪。名為三不管。可見督撫等平日因循疲玩。凡遇鄰省交錯之處。彼此卸責。竟置地方於不管。故爾有此俗名。全在督撫隨時督飭。斷不可存小不忍姑息之見。此疆彼界之心。致宵小從而潛匿。著各

該督撫彼此會議酌派員弁兵役常川駐紮該處稽  
查彈壓以專責成。○五年奏准營汛員弁平日不嚴  
加緝捕致被鄰境拏獲盜犯供出窩主者各督  
撫卽於題叅疏防案內指名附叅將專汛官降  
二級調用兼統各官降二級留任能於未經破  
案之前自行訪獲者免議協同鄰境拏獲者均  
減一等議處。○又奏准承緝盜首不獲若在本  
案三叅以前有墩鋪者初叅罰俸二年二叅降  
一級留任無墩鋪者初叅罰俸一年二叅罰俸  
二年完結若在本案三叅以後有墩鋪者降一



級留任。無墩鋪者。罰俸二年完結。○又奏准。各項案犯該管武職。有能自行訪拏。及破案後迅速全獲者。仍照例分別議敘。○又奏准。各省設立營汛。以千把為專汛。外委為協防。副將以下守備以上等官。為統轄兼轄。遇有地方失事。該督撫等分別開參。以專責成。如統轄兼轄各官。遇有緊要差務離任。按其官階次第。酌令代署。不得令千把等弁越級護理。至千把外委因公差遣。須揀派效力候補各弁暫署。不得以兵丁署理。如有仍前濫行委派。即將該委派之上司。

降一級調用。○又奏准嗣後失察盜犯窩主致被鄰境拏獲盜犯供出窩主者各督撫卽於題參疏防案內指名附參將該管汛弁照失察犯案盜賊潛匿地方例降二級調用兼統官降二級留任。○又奏准四路同知所屬地方遇有失事該督題參疏防將捕盜千總把總外委照地方設有墩鋪防兵之例議處千總把總初參住俸二叅降一級留任三叅降一級仍留任四叅降一級調用外委初參停其拔補二叅重責二十棍三叅革去頂戴四叅革退外委賊犯俱令

接緝官照案緝拏。如於限內全獲。及獲首夥過半者。准其開復。如首犯未獲。仍照有墩鋪地方盜首不獲之例查議。○六年奏准。各省營汛設立經制千把及協防外委。各有巡防之責。如專汛千把因公離汛。其協防外委不准再行離汛。遇有差委另行委弁署理者。如署專汛不准兼署協防。如署協防不准兼署專汛。儻於開送疏防之時。聲明專汛協防均係該弁署理者。將派委之上司各官均降二級留任。並令各省督撫將通省千把外委分防汛地造冊送部。以備查

數。○又奏准巡捕營地方遇有竊案。事主呈報後。提督衙門嚴飭專汛員弁勒限緝拏。仍三月一次。將被竊之案。按其月日先後彙造報部查數。限滿不獲。將專汛官職名照例開叅。如於限內該汛自行拏獲及鄰境拏獲者。隨時報部銷案。○又奏准五營承緝竊案人員。緣事離任。責令接緝之員。勒限一年緝拏。無論初叅限內限外。到汛接緝。均限一年緝拏。限滿不獲。罰俸一年。賊犯照案緝拏。○又奏准京城各門關廂以外五營所屬地方盜案。於被劫報官之日為始。

扣限三月題叅疏防到部。照道路邨莊失事四  
叅設有墩鋪之例辦理。○又奏准京城內遇有  
白晝盜賊致死人命。奪去財物。如一月之內。該  
管武職不行查拏。致賊免脫者。將統轄官降二  
級留任。○又奏准京城五營地方。發冢開棺見  
屍之兇犯在逃。扣限六月查叅。初叅限滿不獲。  
承緝官住俸。勒限一年緝拏。限滿不獲。罰俸一  
年。再限一年緝拏。限滿不獲。罰俸二年。仍再限  
一年緝拏。限滿不獲。降一級留任。兇犯照案緝  
拏。儻有隱匿不報。及見屍捏作見棺。即照殺死

人命知情隱匿例革職。兇犯交接緝官勒限緝拏。接緝官能於限內拏獲首犯。准其紀錄一次。首從全獲者。准其紀錄二次。若承緝官於初叅限外離任。接緝官一年限滿不獲。罰俸一年。兇犯照案緝拏。如承緝官係於初叅限內離任者。接緝官限滿不獲。罰俸一年。再限一年緝拏。二限不獲。再罰俸一年。兇犯照案緝拏。若創墳止見棺槨。並未見屍。承緝官罰俸一年。兇犯照案緝拏。如將創窆見棺匿不詳報者。再罰俸一年。○又奏准。創墳見屍之兇犯在逃。接緝官如於

初參限內接緝者。一年限滿無獲。罰俸九月。再限一年緝拏。限滿無獲。罰俸九月。兇犯照案緝拏。如於初參限外接緝者。一年限滿無獲。罰俸九月。兇犯照案緝拏。○又奏准。大盜糾夥多人。在京城關廂內五營地方。將人殺傷劫去財物。專汛都司守備千總把總外委革職留任。兼轄副將參將遊擊俱降二級。統轄官俱降一級。均戴罪勒限三月緝拏。限滿不獲。專汛都司等官革任。兼轄副將參將等官降二級調用。統轄官降二級留任。加級紀錄俱不准抵銷。盜犯交接

任專汎兼轄各官。勒限緝拏。限滿不獲。專汎官  
初叅降一級留任。兼轄官罰俸一年。限一年緝  
拏。限滿不獲。專汎官降一級調用。兼轄官降一  
級留任。賊犯照案緝拏。○又奏准。道路邨莊遇  
有白晝夥衆搶劫財物。無論曾否傷人。將該管  
各官題叅疏防。照盜案分別有無墩鋪辦理。未  
傷人者。以起意搶奪之人為盜首。傷人者。以下  
手致傷之人為盜首。如止係一人搶奪傷人者。  
照一人行竊拒捕之例。毋庸題叅疏防。扣限一  
年。咨叅到部。照盜案例議處。○又奏准。城外大



小文武衙門失事。該督撫照限查叅疏防。限滿不獲。專汎官停其升拔。限一年緝拏。二叅限滿不獲。降一級留任。再限一年緝拏。限內全獲。准其開復。三叅限滿不獲。降二級調用。如於限內獲盜過半。減為降一級留任。餘盜照案緝拏。兼統各官疏防限滿不獲。罰俸六月。二叅限滿不獲。罰俸一年。賊犯照案緝拏。其失察之本衙門官有兼轄兵丁之責者。照專汎官一體議處。又奏准四路同知所屬地方。遇有失事。該督題叅疏防將捕盜千總把總外委。照地方設有墩

鋪防兵之例。議處千總把總。初參住俸。二參降一級留任。三參降一級仍留任。四參降一級調用。外委官。初參停其拔補。二參重責二十棍。三參革去頂戴。四參革退外委。賊犯俱令接緝官照案緝拏。如於限內全獲及拏獲首夥過半者。准其開復。如首犯未獲。仍照有墩鋪地方盜首不獲之例查議。○又奏准城內及道路邨莊。如有一家連夜被劫。及一夜連劫數處。無論是否一案盜夥。三月限滿不獲。將專管官降二級調用。兼轄官降二級留任。統轄官降一級留任。如

於限內將一案盜夥全獲者。免其議處。不准議  
敘。能獲盜過半兼獲盜首者。專汛官降二級留  
任。兼轄官降一級留任。統轄官罰俸一年。逸犯  
照案緝拏。○又奏准。協防外委承緝盜首。在本  
案三叅以前。有墩鋪者。一年限滿不獲。停其拔  
補。再限一年緝拏。不獲。革去頂戴完結。無墩鋪  
者。一年限滿不獲。停其拔補。再限一年緝拏。不  
獲。重責二十棍完結。承緝盜首在本案三叅以  
後者。一年限滿不獲。有墩鋪者。革去頂戴完結。  
無墩鋪者。重責二十棍完結。○又奏准。夥竊拒

捕之案。按限題。參疏。防照盜案例。議處。以下手拒捕之人為首犯。若獲賊過半。而下手拒捕之人未獲者。仍照盜首不獲例。議處。如能將夥犯拏獲及半。兼獲拒捕首犯。免參疏防。再有餘賊。照案緝拏。若將一案賊犯全獲。附招請敘。每案紀錄二次。○又奏准。承緝盜案。參限以內。拏獲夥盜過半。未獲盜首。照盜首不獲之例。開參。若於限內。僅止拏獲夥盜及半。未獲盜首。仍照本例。勒限緝拏。不准照盜首不獲例。開參。○又奏准。新疆配所遣犯。責令該管官不時稽查。如有

在配犯竊。每一案將該管官罰俸一年。兼管官  
罰俸六月。在配為盜。每一案將該管官降二級  
調用。兼管官降二級留任。○又奏准。各省武職。  
本任內有承緝盜案未獲。如能拏獲鄰境五六  
名以上首夥盜犯一案。該督撫即行報部註冊。  
俟本身承緝盜案已滿四叅送部時。無論應議  
降留。應議降調。均准其議抵案數多者。照此以  
次抵銷。若本任內先有四叅。議以降留之案。亦  
即准其開復。○又奏准。各營汛弁及隨營效力  
人員。如有勾通賊匪行竊。及泰盜受贓者。一經

發覺將親標該管各官降三級調用。不同城之兼轄官降二級留任。統轄總兵官降一級留任。若係提鎮標下人員將該提督總兵降三級調用。自行查辦者免議。○又奏准盜賊聚集至七十人焚燒鄉邨劫搶財物者專汎官革職兼統各官降一級調用。○九年

諭倭什布孫玉庭奏審辦疊劫盜犯並審明署把總羅鳴亮得賄縱盜透漏米石分別定擬一摺其情罪尤為可恨營弁等分汎防守專司詰姦緝捕之事況濱海地方盜風正熾尤關緊要此案署把總羅鳴亮派

防萬山西礮臺。以該處逼近外洋。米穀稀少。輒起意商同民人夥開米店。得利均分。往來船隻。無論良匪一體賣給。是米石出洋。該弁不但不能查禁。轉藉此牟利。接濟盜糧。而於鄉民拏獲盜犯杜亞複送到時。因訊係曾當杜元受漁船水手。該弁復起意傳喚杜元受。令其保領回家。乘機勒取銀兩。與兵丁等均分。致將正盜賣放。此而不嚴行懲辦。何以肅營伍而靖海疆。前據該督等奏防守石獅礮臺之外委楊耀一見盜船。首先奔避。以致兵房礮位俱被焚劫。而此次羅鳴亮竟至利欲熏心。濟匪縱盜。該省營伍廢弛已

極尚安望其實心捕盜肅清洋面乎。倭什布等請將羅鳴亮改擬斬決。所辦甚是。著接奉此旨後。傳齊該弁犯事地方附近營汛官兵及民人等。將羅鳴亮對衆正法。以昭炯戒。並將辦理此案緣由。通飭各營伍知悉。俾弁兵等一體懍惕。該督等仍當隨時申明訓誡。務令痛改積習。以期整飭戎行。○十二年議定。凡京城巡捕五營及各省城內城外。如有賊犯白晝搶奪。至十人以上。雖未拒捕傷人。賊非滿貫。及竊賊至十人以上。雖不行強。將專兼統轄各官題叅疏防。各照盜案本例議處。○又議定。凡



京城巡捕五營及各省城內城外。如有一人行劫。或一人行竊。臨時行強。或一人白晝搶奪。拒

捕傷人。及並未傷人而賊至滿貫者。均毋庸題

叅疏防。

巡捕營扣限四箇月。各省城內城外扣限一年。各叅。

仍各照盜

案本例。分別議處。○又議定。吏部例載。外省白

晝搶奪傷人。及搶奪未傷人而賊至滿貫者。照

盜案例。叅處。搶奪未傷人。賊未滿貫者。照竊案

例查議。兵部例載。京城白晝搶奪傷人。仿照盜

案辦理。其未經傷人者。並未議及。至外省白晝

搶奪。不論曾否傷人。與賊之已未滿貫。概照盜

案例議處。辦理兩歧。應照吏部定例酌擬。凡賊犯夥衆白晝搶奪財物拒捕傷人及並未傷人而賊至滿貫者。將該管各官照盜案例題參疏防。如在京城關廟內照關廟內盜案例議處。如在各省城內照城內失事例議處。若係關廟以外及道路鄉莊均照地方失事例。按其有無墩鋪防兵分別議處。未傷人者以起意搶奪之人為盜首。傷人者以下手拒捕之人為盜首。如已獲起意搶奪及下手拒捕兇賊免參疏防。餘賊照案緝拏。若搶奪並未傷人而賊亦非滿貫者。巡捕營承緝官初參住俸。二參罰俸一年。外省承緝官初參罰俸六月。二參罰

俸一年。賊犯照案緝拏。○又議定。凡巡捕五營。承緝竊案二叅限滿。照案緝拏。後上年議結之案。歸入下年彙叅。該步軍統領分別已獲未獲。於年終彙覈咨部。統計一年內報竊之案。能拏獲及半者。毋庸記功。記過。其獲不及半者。每五案記過一次。拏獲及半之外。復有多獲者。每五案記功一次。記過至四次者。罰俸六月。記功至四次者。紀錄一次。俱以次遞加。緝獲前官任內竊案。及本任內竊案滿貫之案。每案記功一次。俱准其將記過之數抵銷。○又議定。凡城內衙

署被劫。若止行劫署中物件。倉庫監獄無失者。承緝督緝官俱照城內民舍被劫例議處。本署官亦照專管官例議處。其城外衙署被劫。若止行劫署中物件。倉庫無失者。承緝督緝官俱照地方失事設有墩鋪之例議處。至衙署被竊。如係有關倉庫錢糧者。即照盜案例。分別城內城外。題參疏防。以昭平允。○又議定竊賊拒捕之案。吏部例載。若拒捕之犯未獲。照強盜例題參疏防。已獲拒捕之犯。而起意行竊之犯未獲者。照竊案例議處。文武事同一律。嗣後照吏部定

例酌擬。惟外省竊案。武職例無承緝處分。應照向例歸於年終彙參。○又議定。舊例地方武職拏獲鄰境大盜窩主者。紀錄二次。小盜窩主者。紀錄一次。嗣後按照拏獲盜首加一級之例。改為加一級。不論大小盜案窩主。以昭平允。○又議定。失察屬員諱盜之案。正任不同城兼統各官。亦應按其是否百里內外。分別議處。所有不同城百里以內之接任兼統官。仍照原例罰俸一年。其百里以外之兼統官。減為罰俸六月。○又議定。凡一案盜犯拏獲首夥及半。內有承緝

武職拏獲數名。又有鄰境別汛文職拏獲數名。

或事主拏獲及盜犯自行投首數名者。如一案盜犯九

人十人。均以拏獲五名為及半。承督緝各官。於

酌減之中。再行減等議處。如應議罰俸三月減為罰俸一月者。再減

即免議。降職降俸減為罰俸一年者。再減則為罰俸九月。革職減為革職留任者。再減則為降

三級留任。其餘照此遞減。其經制外委。遇有此等減議案件。

悉照千把總應得處分酌減。○又議定。凡官員

任內承緝督緝案件。將初參職名送部議處後。

其展參職名並不開參者。如係無故遲延。仍照

遲延例。按其年月分別議處外。若於展參限內。

已將盜犯拏獲。例得免議之案。該員並不隨案報部銷案。或於承緝督緝各員。遺漏一二名。未經開參。續行補送。其漏報各官。照遺漏不報例。罰俸一年。○又議定。地方失事。接緝官未滿一年之限。卸事者免議。賊犯令再接緝官。勒限一年。緝拏限滿不獲。仍按疏防限內限外。分別議處。如接緝官於議處之後離任者。其再接緝之弁。即免議。○又議定。官員拏獲盜犯。自應隨時抵銷。以示鼓勵。所有原例。拏獲鄰境盜犯抵銷。本任承緝處分條內。將俟屆滿四參送部時議。

抵之語。應行刪改。○又議定。四川省察木多。迤東。乍了一帶。向稱為惡八站。兼通三暗巴。夾壩。不時出沒。防範難周。江卡梨樹石板溝阿足。乍了等處。汎弁。如一年內所管地方。並無夾壩滋事之處。由駐藏大臣查明。將在汎備弁咨部。給予紀錄一次。如有搶劫案件。俱照內地盜案疏防之例。加等議處。○十五年議定。各省督撫。奏革職留於地方協緝。奉

旨准行。及奉

特旨革職留緝官員。協緝限內。遇有丁憂治喪事故。



准其給假百日。回籍經理喪事。假滿仍赴協緝  
地方協緝。如接任官將應緝人犯拏獲者。其給  
假回籍守制等官。限滿應降調革職並革職留  
任者。悉照鄰境拏獲之例酌減議結。○二十二  
年

諭。向例京城地方盜案。三月無獲始行題參。未免過寬。  
嗣後京城外七門以內尋常竊盜案件。三月限滿題  
參。如有執械嚇禁強劫之案。二月無獲即行題參。其  
九門以內尋常竊盜案件。二月題參。強劫之案。一月  
無獲即行題參。著為令。○道光五年

諭御史隆勛奏請定南營巡察章程一摺。京師係輦轂重地。前三門外五方聚處。司坊捕役額設無多。而南營弁兵星羅棋布。果能實力稽查。何至宵小溷迹。如該御史所奏。近來報竊之案。幾無虛日。移營會緝。視同具文。甚至街巷堆撥。僅存空屋。疲玩已極。著步軍統領衙門。嚴飭該營參將。遊擊等官。督率各汛員弁。無分畛域。嚴密稽查。有犯必懲。緝拏務獲。其各處堆撥。務須晝夜巡邏。毋許曠班貽誤。如有仍前玩誤。員弁即著嚴叅懲處。兵丁重責斥革。並著五城御史。督同司坊官一體嚴緝。以戢姦宄而靖閭閻。○九年

諭給事中吳敬恆奏請嚴定緝捕章程一摺。京師為輦

轂重地。理宜肅清。豈容宵小潛迹。屢經降旨諭令各該衙門認真緝捕。並嚴禁捕役縱庇。乃近來五城竊案愈積愈多。即間有報獲之犯。亦贓物微細。暫為搪塞。其計賊逾貫情節較重者。迄無弋獲。總由該捕役等縱容包庇。平日利其贓物。臨時得錢賣放。此等積弊。實為可惡。著通諭步軍統領順天府五城嗣後務當嚴行督緝。有犯必獲。每年將報竊各案統計已獲未獲及獲犯過半各若干。於春秋二季開列清單具奏。分別勤惰。照例覈辦。如捕役等仍復養贓。立

即從重究治。儻該管官視為具文。漫不經心。或隱漏規避。致蹈故習。即著嚴叅。照例懲處。毋稍寬貸。○又諭嗣後八旗五營報竊之案。責令翼尉副將等官。務各督同所屬。實力緝拏。若一季之內。每翼每營未獲在十案以上者。即將該翼正副翼尉。該營副將參將遊擊等官。交部議處。如一季之內。並無報竊案件。准將該旗營各員等交部議敘。○又奏准京城五營地方如有被竊案件。令事主報明該管武職。勒限緝拏。若事主呈報。該管官隱諱不行詳報者。步軍統領查叅。將專管都司守備千總把總外委均

降一級留任。限三月緝拏。全獲開復。限滿不獲。降一級調用。竊犯交接任官勒限緝拏。兼轄副將參將遊擊明知被竊。扶同隱諱者。亦照專管官之例處分。失於查察者。罰俸六月。自行查出揭報者免議。如事主未報。該管官實無諱竊情弊。仍照五營緝竊之例辦理。○又奏准。凡城外大小文武衙署倉庫被劫。該總督巡撫照限查叅疏防。限滿不獲。專汎官停升。外委官停其拔補。限一年緝拏。二叅限滿不獲。專汎官降一級留任。外委官革去頂戴。再限一年緝拏。三叅限

滿不獲。專汎官降一級調用。外委官革退。賊犯令接任官照案緝拏。兼轄統轄官疏防限滿不獲。罰俸一年。限一年緝拏。二叅限滿不獲。罰俸二年。賊犯照案緝拏。其被劫之本署官。有兼轄兵民之責者。照專汎官例議處。若止行劫署中物件。倉庫無失者。承緝督緝各官。俱照地方失事設有墩鋪之例議處。其被劫之本署官。有兼轄兵民之責者。亦照專汎官例議處。如兼轄統轄官獲賊一半者。免議。承緝官獲犯及半。兼獲盜首者。亦免議。若係被劫之本署官拏獲地方

官未及協拏。或地方官自行拏獲被劫之本署  
官未及協拏。均照鄰境獲犯之例議處。○又奏  
准。外省城內民舍被劫。疏防限滿不獲。專汛官  
住俸。外委官停其拔補。限一年緝拏。二叅限滿  
不獲。專汛官降一級調用。外委官革退。賊犯交  
與接任官照案緝拏。同城兼轄官初叅住俸。限  
一年督緝。二叅限滿不獲。降一級留任。賊犯照  
案緝拏。同城統轄官初叅罰俸一年。限一年督  
緝。二叅限滿不獲。降一級留任。賊犯照案緝拏。  
同城提督總兵初叅罰俸六月。限一年催緝。二

參限滿不獲。罰俸一年。賊犯照案緝拏。不同城兼轄統轄官。初參罰俸六月。限一年督緝。二參限滿不獲。罰俸一年。賊犯照案緝拏。不同城提督總兵。初參罰俸三月。限一年催緝。二參限滿不獲。罰俸六月。賊犯照案緝拏。若兼轄統轄各官獲賊一半者免議。承緝官獲犯及半。兼獲盜首者亦免議。如被鄰境及文職拏獲。均照例酌減議結。○又題准。京城巡捕五營汛地尋常竊案。每年按春秋二季分別有無報獲。以定副將參將遊擊功過。若一季之內。每營未獲正賊在



十案以上者。將該營副將參將遊擊罰俸六月。如一季之內。並無報竊案件。將該營副將參將遊擊紀錄一次。每季由步軍統領咨報兵部彙覈具題。○十六年

諭。向來武職引見。遇有弓箭平常之員。朕必停其升階。或酌予處分。其有緝捕勤奮。亦必量加甄敘。昨兵部將升署安徽泗州營都司王夢熊帶領引見。該員箭無準頭。本應駁斥。但念該員前在守備任內。拏獲鹽梟二十餘名。私鹽十五萬餘斤。著有微勞。是以降旨。仍准其升署都司。其緝捕之案。不復加恩甄敘。朕準

情酌理。一秉大公。務昭平允。嗣後武職各員。盡心職守。固當以緝捕為先。尤應以弓馬為重。其各勤加練習。以副朕整飭戎行至意。欽此。遵。

旨議定。升任武職引

見弓箭平常。如緝捕勤奮。仍准升補。其獲盜之案。不復再予甄敘。○二十年

諭。直隸任邱縣知縣何繩武。千總李毓清。於廣東摺弁過境時。並不小心防護。致賊匪截搶行兇。拒傷差弁。並將批摺拆動。非尋常疏懈可比。何繩武。李毓清。著先行撤任。交部嚴加議處。仍勒限兩月。留於該地方

協緝正賊。務獲究辦。俟限滿有無弋獲。再行分別辦理。欽此。遵

旨議定。京外盜案。於未滿疏防例限以前。經步軍統領各督撫奏請先行交議。或摘去頂戴。先行交議者。將該管官照防範不嚴例降一級留任。若承緝盜劫傷人重案。未滿疏防例限以前。該督撫先行奏請摘去頂戴。勒限嚴緝。或先行交議。仍勒限嚴緝。或撤任勒限協緝。限滿不獲。從嚴叅辦者。俟限滿嚴叅到部。將專汛官降一級調用。如奏請嚴加議處。或奉

旨嚴加議處者。於降一級調用例上加等降二級調用。其原叅摘頂之案。准予查銷。○二十五年奏准。擒匪幅匪強梁訛索業已得財之案。無論人數多寡。營汛各官如有疏防諱匿。均照盜案例叅處。其本境擒匪幅匪滋事之案。於一月限外獲犯過半。兼獲盜首者。准其功過相抵。若一月限內。獲犯過半。兼獲盜首。或俱係斬梟斬決從犯三名。或係斬決首犯一名。斬候絞候從犯四名。或係斬決絞決首犯一名。遣罪從犯六名。或係斬候絞候首犯一名。遣罪從犯八名。俱給予

加一級。總以一案內獲犯過半兼獲首犯方准議敘。如僅擬軍流徒罪等犯。毋庸給予議敘。若拏獲鄰境擒匪幅匪案內斬梟斬決首夥三名以上者。准其送部引。

見五名以上者。給予應升官階。免其送部引。

見拏獲斬梟斬決絞決首犯每名加一級紀錄二次。斬梟斬決絞決從犯斬候絞候首犯每名加一級紀錄一次。斬候絞候從犯每名加一級遣罪首犯每名紀錄二次。遣罪從犯每名紀錄一次。軍流徒杖以下人犯。毋庸給予議敘。如鄰境有

擒匪幅匪滋事之案。不即協力堵拏。以致竄入本境滋事者。照本境疏防例開參。儻接到協拏知會。任令潛匿。不為嚴緝者。降三級調用。不准抵銷。其並未接到鄰境知會。失於查拏。在本境亦無滋事案情者。均照不上緊緝拏例降一級留任。設或地方士民有能確知擒匪幅匪蹤迹。隨同官弁指綫按捕者。分別案情輕重。奏請給予職銜。或拔置營弁。其餘並非擒匪幅匪之案。概不得援以為例。○二十七年議准竊賊拒捕毆斃兵丁。該管官知情隱匿。不行申報者革職。

○咸豐十一年

諭近來捕務廢弛。地方官恐干處分。大半諱盜不報。其遇搶劫重案。不能彌縫者。遲之又久。始行呈報。雖經該督撫奏參勒緝。而盜蹤早已遠颺。迨限滿無獲。該上司又復飾詞改調他任。豫為開脫。處分地步。地方官既視捕緝為具文。遂致宵小朋比為姦。蠹役為之庇護。棍徒為之窩藏。玩法擾民。殊堪痛恨。現在直隸境內搶劫之案。層見疊出。該省地近京師。豈可任令姦宄溷迹。亟應嚴行懲辦。以清畿輔而衛閭閻。著順天府直隸總督。嚴飭各州縣。將境內墩鋪一律修葺。

添派兵役認真巡邏。並責令所轄文武員弁。會同鄰境地方官。每月會哨數次。以資聯絡。嗣後遇有盜案。該州縣不即行詳報者。即照諱盜律治罪。該管上司。不即行參奏。以及叅限將滿。復改調他任。巧為開脫處分者。一體交部嚴加議處。○同治元年

諭。前因吏部議覆。寬減州縣緝捕處分章程。業經降旨。將捕役窩盜一節。如經該管官自行查出。即將失察處分。概行寬免。各該州縣等既無所用。其迴護。於破獲盜案。如審有衙役包庇情事。自當據實申明。該管上司。嚴行懲辦。以杜盜源。惟緝捕賊匪。全在兵役互



相按拏。實力盤詰。而賊情狡譎。往往將原拏兵役捏詞誣陷。任意株連。承審官聽賊一面之詞。輒將原拏弁兵提案對質。牽連拖累。受害滋深。以致兵役視捕盜為畏途。並不實力協緝。無怪盜風日熾。劫案繁興。嗣後各直省將軍督撫府尹等。於所屬地方。務當飭令該管文武明白曉示。如遇有搶劫盜匪。准兵役及居民行旅等格殺毋論。其拏獲者。立即訊明正法。不准其任意妄供。牽連原拏之人。致滋拖累。並著內外問刑各衙門。於移交賊犯。破除錮習。認真審辦。不准輕聽賊犯一面誣攀之詞。將原拏兵役率行提質。以

杜累擾而重緝捕。○二年

諭駱秉章奏請將獲盜人員仍復送部引見舊例等語。向例獲盜人員俱係交部分別議敘。即所獲盜犯較多亦止於送部引見。自咸豐五年部議章程。凡獲盜人員有拏獲斬梟斬決一案六名以上。或兩案三案。每案均在三名以上者。毋庸分案議敘。俱准督撫覈實保奏。給予應升官階。免其送部引見。原以四方多故。盜賊橫行。故獎勵不妨稍優。庶緝捕可收實效。乃自此例一開。獲盜請獎之案層見疊出。其認真緝捕者固不乏人。而詐僞日滋。竟或徇親友之請託。以盜

犯相贈貽。在予之者以首先獲盜。讓人邀功。而自居協獲。仍免處分。在受之者毫無勞績。優獎倖邀。似此夤緣為姦。巧於干進。殊於吏治有礙。嗣後獲盜人員。仍著照舊例送部引見。其由督撫指定官階專摺保奏章程。著即停止。以杜倖進而重名器。○三年議准。千總以上官員。如係舉發巨案。拏獲著名巨盜。及鄰境大夥案犯。並外來潛匿兇盜。與尋常盜犯不同者。准該督撫聲明案由。擇尤保奏。如奉旨允准。仍由兵部覈其獲盜勞績。並本任有無承緝未完要案。如係合例。即遵。

旨知照。俟補缺時。將該員弁係因獲盜例。應送部引見之處。併案聲明。如查有承緝未完要案。無論應議降留降調。均聲明請

旨。即以該員弁所得優獎。照例議抵。仍酌予加級紀錄。至拏獲尋常盜犯。雖係斬梟斬決。仍照各本例辦理。若把總以下。例不引

見人員。其獲盜數與引

見之例相符者。把總以千總拔補。外委以把總拔補。毋庸送部。○四年

諭。嗣後拏獲馬賊之案。如係大夥橫行。攻圍城寨。焚劫

鄉邨。有抗拒官兵情事。地方官拏獲著名巨盜二三名。或斬梟斬決盜犯十名以上者。或兩案三案。每案均在五名以上者。俱准覈實保舉。或酌賞翎枝。或酌予升階升銜。隨案奏明。即照軍功例破格獎敘。拏獲著名巨盜一名。或斬梟斬決盜犯五名以上者。或兩案三案。每案均在三名以上者。俱比照拏獲擒匪章程。保奏指定應升官階。免其送部引見。拏獲斬梟斬決盜犯三名以上者。仍遵定例送部引見。其拏獲斬梟斬決盜犯不及三名者。每名准其加一級。至各官任內。如有疏防馬賊之案。照例准將拏獲鄰境盜犯

之案抵銷。其案數多者。亦准其逐案查抵。如抵銷完結後。再有獲盜之案。即准按所獲名數。給予獎勵。其拏獲斬梟斬決盜犯三名以上者。准抵本任內降調革留之案。拏獲著名巨盜一二名。或斬梟斬決盜犯五名以上及十名以上者。准抵本任內議革之案。若所獲止係脅從之犯罪。不至斬梟斬決者。毋庸請獎。亦不准其抵銷。其武職官員。緝捕夥衆橫行。焚劫鄉邨。抗拒官兵馬賊。即比照拏獲著名巨盜鄰境大夥案犯。並外來潛匿兇盜章程。優加獎敘。如拏獲罪應凌遲之犯。至二三名。斬梟斬決盜犯十名以上者。或

兩案三案。每案俱在五六名以上者。覈其勞績。實與戰功無異。准由該督撫等覈實保奏。或酌獎翎枝。或予升階升銜。如拏獲巨盜一名。鄰境斬梟斬決盜犯五名以上。或兩案三案。每案俱在三名以上者。俱准其指定應升官階保奏。如查有承緝未完要案。無論應議降留降調。即以該員所得優獎議抵。如拏獲鄰境斬梟斬決盜犯三名以上者。准其酌保升銜。其拏獲未及三名者。每名給予加一級。其本任內有疏防之案。能拏獲鄰境斬梟斬決盜犯三名以上者。准抵本任內降調革留之案。拏獲著名巨盜一二名。及斬

梟斬決盜犯五名至十名以上者。准抵本任內議革之案。若案數多者。亦准逐案查抵。如拏獲尋常斬梟斬決之犯。仍著咨部照例辦理。○又奏准京外地方發冢開棺。顯露屍身。或拋棄屍骨。及將控告人殺死之案。以失事之日起四月限滿不獲。題參疏防。將承緝接緝及兼轄統轄各官。均照盜案例議處。二三四參。均按限開送職名。照例辦理。儻隱匿不報。及見屍捏作見棺者。亦照諱盜例革職。承緝各官。於參限內拏獲及半兼獲盜首者。將原參處分均予查銷。其發冢止見棺槨。鑿



孔鋸縫摸取衣飾。並未見屍者。以失事之日起。六月限滿不獲。將承緝接緝武職各官。亦照命案緝兇例。按限查叅。儻隱匿不報。亦照容隱命案兇犯例。革職。如鄰境地方武職各官。有能拏獲發冢開棺見屍。或拋棄屍骨。及將控告人殺死。案內兇賊。罪應斬梟。斬決首夥三名以上者。准其送部引。

見未及三名。及僅獲夥犯。止准聲請議敘。給予加級紀錄。拏獲首犯一名。加一級。再紀錄一次。拏獲夥犯。每一名紀錄一次。毋庸送部。至鑿孔鋸縫。

摸取衣飾並未見屍案內首從各犯罪止擬絞。獲犯之員。比照拏獲命案兇犯之例。一名者紀錄一次。二名者紀錄二次。三名者紀錄三次。四名以上者加一級。○五年

諭。董文煥奏請將獲盜人員。於定案後再行給獎等語。據稱步軍統領衙門拏獲近畿盜犯。往往於奏交刑部時。即行保舉多員。惟交部之犯。尚未審明虛實。而保舉之員。早已遷轉官階。殊非覈實之道。所奏不為無見。嗣後著步軍統領衙門。仍照舊例。凡拏獲此等案犯。於刑部定案後。再行聲明請旨。不得先行保奏。

○又議定。大盜糾夥多人。在京城關廟內。及外城七門關廟內。殺人劫財。一月限滿。無獲開叅。專汎都司。守備千總。把總外。委俱革職留任。兼轄副將。參將。遊擊。俱降二級留任。統轄提督總兵。俱降一級留任。均戴罪勒限一年緝拏。二叅限滿不獲。專汎都司等官革職。兼轄副將等官降二級調用。統轄提督總兵降二級留任。加級紀錄。俱不准抵銷。兵丁革退。交刑部治罪。盜犯交接任專汎兼轄各官。勒限緝拏。限滿不獲。專汎官初叅降一級留任。兼轄官罰俸一年。限一

年緝拏。二叅限滿不獲。專汎官降一級調用。兼轄官降一級留任。賊犯照案緝拏。○八年奏准。京城關廂內。及外城七門關廂內。尋常盜案。兩月限滿無獲。專汎都司守備降三級留任。兼轄副將參將遊擊俱降二級留任。千總把總外委。在兵部各責四十板。該汎馬步兵丁各責四十板。俱限一年緝拏。二叅限內獲盜不及一半。及全未獲盜者。專汎都司守備降三級調用。兼轄副將參將遊擊降二級調用。千總把總外委革職。加級紀錄俱不准抵銷。兵丁革退交刑部治

罪盜犯交接任官勒限緝拏。如一年限內全獲。及拏獲首夥過半。准其開復。盜犯照案緝拏。如獲盜過半。而盜首窩家未獲。專汎官罰俸一年。兼轄官罰俸六月。限一年緝拏。二叅限滿不獲。專汎官罰俸二年。兼轄官罰俸一年。再限一年緝拏。三叅限滿不獲。專汎官降二級留任。兼轄官降一級留任。盜首照案緝拏。○又議准。長江水師。專管江面。遇有失事。查取長江水師營汎各官應議職名。扣限開叅。毋庸開叅陸路營汎。其陸路營汎地面失事。亦毋庸開叅水師。○光

緒七年奏准。步軍統領衙門獲盜請獎員數。以獲犯多寡為斷。如拏獲鄰境曾經殺傷官兵確有證據之從逆夥犯罪干凌遲二三名。或罪應斬梟斬決七名以上。或斬梟斬決二三名。斬候絞候七名以上。首先拏獲者。准保四五員。協同拏獲者。准保七八員。拏獲罪干凌遲一名。或罪應斬梟斬決四名以上。或斬梟斬決一二名。斬候絞候四名以上。首先拏獲者。准保二三員。協同拏獲者。准保四五員。拏獲罪應斬梟斬決三名者。首先拏獲者。准保一員。協同拏獲者。准保

二三員。該衙門請獎摺內。均應聲明。何員首先  
拏獲。何員協同拏獲。首先拏獲者。准給升階班  
次。協同拏獲者。止准給予升銜加級。其獲犯尚  
未及數。暨拏獲本境盜犯。仍照各本例辦理。五  
城練勇局水會獲盜請獎之案。一律照此覈辦。